

CUSSEGL GROND

Sessiun da zercladur 2023

Incumbensa Kappeler concernent la garanzia dal provediment d'aua per situaziuns extremas futuras

Aua è elementara per l'uman, per la natira e per l'economia. La disponibladad d'aua sa chapiva fin ussa savens da sez. La midada dal clima avanzada sco er facturs socio-economics sco l'augment da la populaziun, l'activitad da construcziun, il squitsch da construir abitadis, la producziun d'energia u il basegn da sauar creschent augmentan er en il chantun Grischun la pressiu sin questa resursa. Periodas da setgira e stgarsezza d'aua vegni a dar pli savens en il futur.

Per quests motivs incumbenseschan las sutsegnadras ed ils sutsegnaders la Regenza da mussar cun in rapport, tge territoris dal chantun Grischun ch'èn pertutgads particularmain d'ina eventuala stgarsezza d'aua e tge mesiras che ston eventualmain vegnir prendidas en vista a periodas da setgira futuras. En quest connex ston vegnir resguardads ils basegns dal provediment public d'aua da baiver, d'aua da diever e d'aua da stizzar fieu, dal turissem, da l'agricultura e da l'economia forestala sco er dals systems ecologics dependents d'aua. Latiers tutgan er propostas da soluziun davart il conflict d'utilisaziun tranter agricultura ed auas da surfatscha. Medemamain ston vegnir mussadas pussaivladads per l'accumulaziun d'aua.

Claustra, ils 15 da zercladur 2023

Kappeler, Altmann, Roffler, Bachmann, Bardill, Baselgia, Bavier, Berther, Berweger, Biert, Bischof, Bleuler-Jenny, Brandenburger, Butzerin, Cahenzli-Philipp (Vaz Sut), Censi, Cola Casaulta, Cortesi, Danuser (Cuir), Degiacomi, Della Cà, Dietrich, Epp, Furger, Gartmann-Albin, Hartmann, Hoch, Hohl, Holzinger-Loretz, Kaiser, Kienz, Kocher, Mazzetta, Menghini-Inauen, Oesch, Perl, Pfäffli, Preisig, Rageth, Righetti, Rüegg, Rusch Nigg, Saratz Cazin, Schutz, Stiffler, von Ballmoos, Walser, Wieland, Wilhelm